

मनो॒होता । चक्षुर्ब्र॒ह्मा । नि॒मेषो॒वषट्कारः ॥ ९ ॥

य॒ए॒वं वे॒द । तस्य॒ त्वे॒व हु॒तं । सा॒यं या॒वान॒श्च वै दे॒वाः  
प्रा॒त॒र्या॒वा॒णश्चा॒ग्नि॒हो॒त्रि॒णो गृ॒हमा॒गच्छ॑न्ति । तान् य-  
न्न॒तर्प॑येत् । पू॒जया॑ प॒शुभिर्वि॒तिष्ठे॑रन् । यत् तर्प॑येत् ।  
तृ॒प्ता॒नं पू॒जया॑ प॒शुभिस्तर्प॑येयुः । स॒जूर्दे॒वैः सा॒यं या-  
व॒भिरि॑ति सा॒यः स॒मृ॒शति॑ । स॒जूर्दे॒वैः प्रा॒त॒र्या॒व॒भि-  
रि॑ति प्रा॒तः । ये चै॒व दे॒वाः सा॒यं या॒वानो॒ ये च प्रा॒त-  
र्या॒वा॒णः ॥ १० ॥

ताने॒वोभ॑याः स्तर्प॑यति । त॒ए॒नं तृ॒प्ताः पू॒जया॑ प॒शु-  
भिस्तर्प॑यन्ति । अ॒रु॒णो॒ह॒स्मा॒हो॒प॒वेशिः॑ । अ॒ग्नि॒हो॒त्र॒ए-  
वा॒हः सा॒यं प्रा॒त॒र्व॒ज्रं भ्रा॒तृ॒व्येभ्यः॑ प्र॒हरा॑मि । तस्मा॒न्म-  
त्पा॒पी॒याः सो॒ भ्रा॒तृ॒व्या॒इति॑ । च॒तु॒रु॒न्न॑यति । दि॒र्जु-  
हो॒ति । स॒मि॒त् स॒प्त॒मी । स॒प्त॒प॒दा श॒क्क॒री । शा॒क्क॒रो  
व॒ज्रः ॥ अ॒ग्नि॒हो॒त्र॒ए॒व त॒त्सा॒यं प्रा॒त॒र्व॒ज्रं य॒ज॒मा॒नो भ्रा॒-  
तृ॒व्याय॑ प्र॒हर॑ति । भव॑त्या॒त्म॒ना । प॒रा॒स्य भ्रा॒तृ॒व्योभ॑-  
वति ॥ ११ ॥

व॒र्हिः प्रा॒त॒र्हु॒ताद्या॑य जा॒यते॑ रु॒न्धेऽसा॒मा क॑रोत्ये॒ता  
वा॒अ॒ग्नि॒हो॒त्र॒स्यो॒प॒स॒दो॒वषट्कारश्च॑ प्रा॒त॒र्या॒वा॒णो॒व॒ज्र-  
स्त्री॒णि च ॥ अनु० ५ ॥